



# The Holy See

---

IOANNES PP. XXIII

*EPISTULA AD FRANCISCUM  
TIT. SANCTORUM IOANNIS ET PAULI,  
S. R. E. PRESB. CARD. SPELLMAN,  
ARCHIEPISCOPUM NEO-EBORACENSEM,  
QUEM LEGATUM MITTIT CONGRESSUI EUCHARISTICO  
EX AMERICAЕ CENTRALIS NATIONIBUS  
IN URBE GUATEMALENSI CELEBRANDO CERTIORES QUIDEM\**

*Dilecte Fili Noster,  
salutem et Apostolicam Benedictionem.*

Certiores quidem facti sumus, proximo Februario mense, Congressum Eucharisticum ex Americae Centralis nationibus in clara urbe Guatimalensi celebratum iri. Ordo autem Episcoporum, favente in primis ipso Archiepiscopo Guatimalensi, a Nobis quaequivit, ut, ad splendorem augustae huius celebrationis adaugendum, sacris ritibus Nos Ipsi per Legatum quendam Nostrum praesideamus. Cui quidem sacrorum Antistitum voto satisfacere benigna voluntate decrevimus.

Te igitur, Dilecte Fili Noster, qui, Romanae purpurae magnificentia decoratus, metropolitanam sedem tam praeclararam tantique ponderis moderaris ac, pro tua prudentia et caritate, tanta existimatione perfrueris, Legatum Nostrum eligimus ac renuntiamus, ut, Nostram gerens personam, Eucharistico Congressui Guatimalensi, ex Nationibus Mediae Americae proxime habendo, Nostro nomine Nostraque auctoritate praesideas. Neque enim parvi momenti sunt argumenta, quae in singulis coetibus erunt pertractanda; agendum praecipue quantum utilitatis sanctissima Eucharistia conferat ad concordiam domesticam fovendam, ad iuvenum educationem, ad amicam socialium classium conspirationem, ad personam humanam perficiendam; sine quibus profecto bonis reipublicae tranquillitas et prosperitas consistere nequeunt.

Pro certo itaque habemus nobilissima eiusmodi Legatione ita temet esse perfuncturum, ut sacris sollemnibus plurimum sane dignitatis ac maiestatis adiiciatur, neque minus coetuum studiis consiliisque sapientiae atque efficacitatis accedat.

Omnia denique secunda et prospera a Deo per Mariam Immaculatam Virginem apprēcantes,  
caelestium lumen gratiarumque auspicem, pa- terna que Nostrae dilectionis testem,  
Apostolicam Benedictionem tibi, Dilecte Fili Noster, egregio Archiepiscopo Guatemalensi  
ceterisque Praesulibus, pariterque civilibus Magistratibus et iis universis, qui Guatimalam tecum  
sunt converti, per amanter in Domino impertimus.

*Datum Romae apud Sanctum Petrum, die XXIX mensis Ianuarii, anno MDCCCCLIX, Pontificatus  
Nostrī primo.*

**IOANNES PP. XXIII**

---

\* AAS vol. LI, 1959, pp. 87-88.

---

Copyright © Dicastero per la Comunicazione - Libreria Editrice Vaticana